

8avel Top Pop Rumantsch – Corin en l'Orient

■ (cp) La retscha musicala Top Pop Rumantsch dal RR è fin uss stada reservada a vuschs novizas u a gruppas main enconuschentas. L'otgavla ediziun fa qua in'exceptiun. Questa giada va il microfon ad ina vaira staila da la chanzun moderna rumantscha: Corin Curschellas intunescha la melodia cun il titel exotic «Shaana (olma da vale)». I n'è betg l'emprima giada ch'ìls dus veterans s'entaupan en il studio da registraziun – avant bunamain 25 onns avevan Corin Curschellas e Benedetto Vigne già collavurà sut il pseudonim ilaric Rezia Spontana. Ussa turna Corin ad interpretar ina chanzun scritta dal Surmiran: «Shaana (olma da vale)». Il num exotic

dal titel tradescha in'istorgia nunusitada. Ina dunna da nossas regiuns envida ina dunna d'in'otra cultura a sa fraternisar, respectiv a sa sororisar. «Vè a malager, vè a garager» animescha il refrain. Tenor Vigne èsi stà il famus disput da las caricaturas ad inspirar al tema. Ma la chanzun evitescha da numnar ina cultura definida, la «Shaana» po derivar dad x-insanua or dal grond Orient. Impurtant è be l'appel ad in spiert deliberà, ad ina sensualitad averta. La vusch matura da Corin Curschellas è il garant che la chanzun na gjaja a finir en ina frivolitad bunmartgada. E pelvaira, sco che la «Shaana» tuna qua, pudess ella bunamain esser ina chanzun da Nadal.



L'otgavel Top Pop Rumantsch è da la chantadura Corin Curschellas.